

2010 Rhif 2217(Cy.193)

ADDYSG, CYMRU

Rheoliadau Deddf Cydraddoldeb
2010 (Rheoleiddiwr Cyrff
Cymwysterau Cyffredinol a
Chymwysterau Perthnasol)
(Cymru) 2010

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn rhagnodi mai'r rheoleiddiwr priodol at ddibenion adran 96 o Ddeddf Cydraddoldeb 2010 yw Gweinidogion Cymru. Caiff y rheoleiddiwr priodol bennu materion nad ydynt yn cael eu dal gan y ddyletswydd sydd ar gyrff cymwysterau o dan yr adran honno i wneud addasiadau rhesymol ar gyfer pobl anabl.

Mae'r Rheoliadau hyn yn rhagnodi hefyd mai'r cymwysterau a restrir yn yr Atodlen yw'r cymwysterau perthnasol at ddibenion adrannau 96 a 97 o Ddeddf Cydraddoldeb 2010.

2010 Rhif 2217(Cy.193)

ADDYSG, CYMRU

Rheoliadau Ddeddf Cydraddoldeb 2010 (Rheoleiddiwr Cyrff Cymwysterau Cyffredinol a Chymwysterau Perthnasol) (Cymru) 2010

Gwnaed 06 Medi 2010

*Gosodwyd gerbron Cynulliad Cenedlaethol
Cymru* 07 Medi 2010

Yn dod i rym 1 Hydref 2010

Mae Gweinidogion Cymru, drwy arfer y pwerau a roddwyd iddynt gan adrannau 96(10) a 97(3) o Ddeddf Cydraddoldeb 2010(1), yn gwneud y Rheoliadau a ganlyn:

Enwi, cychwyn a chymhwyso

1.—(1) Enw'r Rheoliadau hyn yw Rheoliadau Ddeddf Cydraddoldeb 2010 (Rheoleiddiwr Cyrff Cymwysterau Cyffredinol a Chymwysterau Perthnasol) (Cymru) 2010.

(2) Mae'r Rheoliadau hyn yn dod i rym ar 1 Hydref 2010 ac maent yn gymwys o ran Cymru.

Y rheoleiddiwr priodol

2. Mae Gweinidogion Cymru wedi eu rhagnodi fel y rheoleiddiwr priodol mewn perthynas â chorff cymwysterau sy'n rhoi cymwysterau yng Nghymru.

(1) 2010 p.15. Cychwynnodd Gorchymyn Deddf Cydraddoldeb 2010 (Cychwyn Rhif 1) 2010 (O.S. 2010/1736) adrannau 96 a 97 ar 6 Gorffennaf 2010 i'r graddau y maent yn rhoi pŵer i wneud is-ddeddfwriaeth neu ganllawiau neu'n ymwneud â'r pŵer i wneud hynny.

Cymwysterau Perthnasol

3. Mae'r cymwysterau a restrir yn yr Atodlen wedi eu rhagnodi'n gymwysterau perthnasol mewn perthynas â rhoi cymwysterau yng Nghymru.

Leighton Andrews

Y Gweinidog dros Blant, Addysg a Dysgu Gydol Oes,
un o Weinidogion Cymru

06 Medi 2010

YR ATODLEN

- 1.**Dyfarniadau Uwch Estynedig
- 2.**Cymwysterau tystysgrif lefel mynediad
- 3.**Cymwysterau Mathemateg Annibynnol
- 4.**Sgiliau Gweithredol
- 5.**Tystysgrif Addysg Gyffredinol lefel A (U ac UG)
- 6.**Tystysgrif Gyffredinol Addysg Uwchradd
- 7.**Y Fagloriaeth Ryngwladol
- 8.**Sgiliau Allweddol a Sgiliau Hanfodol Cymru
- 9.**Cymwysterau Prif Ddysgu a Phrosiect
- 10.**Tystysgrif Graidd Cymhwyster Bagloriaeth Cymru